



FANONGONONGO FAKA'OFISIALE

28 Sanuali 2021

FANONGONONGO

Laiseni 'o e Kautaha Nō atu 'a e Pa'anga 'i Tonga

Kātaki 'o fakatokanga'i ange 'oku 'oatu 'e he Pangikē Pule Fakafonua 'o Tonga' 'a e fakamanatu faka'osi ko eni' ki he tokotaha pe kautaha kotoa pē 'oku nau fakahoko 'a e pisinisi 'o e nō atu 'o e pa'anga', kemou fetu'utaki mai ki he Pangikē Pule' he vave taha'. 'E lava ai kemou ma'u atu e fakaikiiki ki he founa 'a hono ma'u atu ha laiseni pea ke lesisita 'a ho'o mou ngaahi kautaha nō' 'o 'ikai toe tōmui ange 'i he 'aho **Falaite 29 'o Sanuali 2021**. Fakatatau ki he fanongonongo kuo 'osi fakahoko atu 'i Nōvema mo Tisema 2020 pea mo e Tohi Tu'utu'uni ne tuku atu 'i he 'aho 27 'o Nōvema 2020 mei' he Pangikē Pule', kātaki fakatokanga'i ange 'oku 'oatu heni ki he tokotaha, kautaha, pisinisi, ngaahi kulupu, ngāue'anga kotoa pē 'oku nau tuku atu ha nō 'i ha fa'ahinga founa pē, kemou fetu'utaki mai ki he Pangikē Pule' 'o 'ikai toe tōmui ange he 'aho kuo fakahā atu 'i 'olunga'. Ko e Pangikē Pule' pē 'oku 'iai 'a e mafai kene faka'atā ha taha pe kautaha mei' he malumalu 'o e Lao ki he ngaahi Kautaha Nō Atu 'o e Pa'anga'.

Ka 'i ai ha taha pe kautaha 'e ma'u 'oku' ne kei fakahoko 'a e pisinisi nō atu 'o e pa'anga' 'i Tonga' ni 'i he hili 'a e 'aho 29 'o Sanuali 2021, **ka 'oku te'eki ai ke fetu'utaki mai ki he Pangikē Pule' ke ma'u atu ha'ane laiseni Kautaha Nō Atu 'o e Pa'anga'**, 'oku' ne fakahoko 'e ia 'a e hia pea 'e malava ai ke faka'ilo 'o ala mo'ua 'i ha'ane halaia ki ha **mo'ua pa'anga 'o 'ikai laka hake 'i he \$10,000** pē ki he ngāue popula ki ha vaha'a taimi 'oku 'ikai lahi hake 'i he ta'u 'e tolu pe fakatou'osi 'o fakatatau ki he Kupu 3(2) 'o e Lao Ki he ngaahi Kautaha Nō Atu 'o e Pa'anga'. Kātaki 'o toe fakatokanga'i ange, 'e **fakata'e'aonga'i 'a e aleapau nō pa'anga_kotoa pē** 'e fakahoko 'e ha taha pe kautaha 'oku te'eki ke fetu'utaki mai ki he Pangikē Pule' ke laiseni kimu'a he faka'osinga 'o Sanuali 2021.

Ki ha toe fakaikiiki kātaki 'o fakafetu'utaki ki he:

Tafa'aki ki he Ngaahi Kautaha Fakapa'anga

Pangikē Pule Fakafonua 'o Tonga

Telefoni: (676) 24-057; Fax: (676) 24 201

Meili 'Elekitolonika: nrbt@reservebank.to

Peesi 'Initaneti: www.reservebank.to